

Ռ. Լ. ՄԱՆԱՍԵՐՅԱՆ, Տիգրան Մեծ. Հայաստանի պայքարը Հոռմի և Պաշտպանների դեմ, Երևան, «Հայաստան» հրատարակչություն, 1987, 240 էջ:

Հայ ժողովրդի հին պատմության առավել կարևոր փուլերից մեկը Տիգրան Մեծի դաշակալության շրջանն է, երբ հայոց արքան, իր իշխանության տակ հայկական բոլոր հողերը միավորելուց հետո, նվաճեց հարևան մի շարք երկրներ ևս, որով հայկական պետականությունը դուրս եկավ Մեծ Հայքի բնական աշխարհագրական սահմաններից ու դարձավ բաղադր մի տերություն, անմիջական շփման մեջ մտնելով ժամանակի երկու մրցակից տերությունների՝ Հոռմի և պարթևական Պարսկաստանի հետ: Դրանով իսկ Հայաստանը դարձավ համաշխարհային պատմական գործընթացի վրա ազդող կարևորագույն գործոն: Ուստի, միանգամայն օրինալի է, որ Տիգրան Մեծի թագավորության տարիների պատմությանը անդրադարձել են դեռևս դեպքերին համարյա ժամանակակից անտիկ պատմիչները (Ստրաբոն, Հովսեպոս Փլավիոս, Պլուտարքոս, Դիոն Կասսիոս և ուրիշներ), քաղաքական գործիչները (Կիկերոն), ինչպես նաև նոր ժամանակների պատմաբանները՝ օտար, թե հայրենական:

Առաջին հայացքից կթվար, թե Տիգրան Մեծի թագավորության պատմությունն արդեն լիովին ու բազմակողմանի ուսումնասիրվել է և ասվածին ու գրվածին հնարավոր չէ նոր բան ավելացնել: Բայց ահա լույս է տեսել մի նոր մենագրություն՝ նվիրված Տիգրան Մեծի արտաքին և ներքին քաղաքականությանը, որտեղ հեղինակը՝ պատմական գիտությունների թեկնածու Ռ. Լ. Մանասերյանը, սկզբնաղբյուրների և գոյություն ունեցող մասնագիտական գրականության մանրակրկիտ ուսումնասիրությամբ ցույց է տալիս, որ դեռևս կան ուսումնասիրման և ճշգրտման հնարավոր մի շարք կարևոր հարցեր: Հեղինակը իրավամբ նշում է, որ անվիճելի են Տիգրանի ժամանակաշրջանի պատմության հետազոտման կարևորությունն ու դիտական ակտուալությունը: Դրանք էլ ավելի անհրաժեշտ են դառնում, եթե նկատի ունենանք նախորդ աշխատություններում չբացահայտված մի շարք կարևոր պրոբլեմներ, Տիգրանի գործունեության վերաբերյալ հայտնաբերված նոր փաստերը, հելլենիստական ժամանակաշրջանի հետազոտման մեջ սովետական և արտասահմանյան պատմագիտության նվաճումները: Հետազոտության մեջ քննվում են Տիգրան Մեծի արտաքին և ներքին քաղաքականությունը, հելլենիստական Արևելքում միջազգային հարաբերությունների պատմության հարցերը: Փորձ է արվում լուսաբանել հայ ժողովրդի և նրա հարևանների հին պատմության մի կարևոր հատված, որը պատմագիտության մեջ իրավամբ անվանվում է Տիգրան Մեծի ժամանակաշրջան:

Գրքի «Սկզբնաղբյուրներ և ուսումնասիրություններ» հատվածում տրված է հարցի՝ առնչվող առկա գրականության գնահատականը: Հեղինակը իրավացի քննադատում է Թ. Մոմզեյի և Թ. Ռեյնակի միտումնավոր վերաբերմունքը Տիգրան Մեծի նկատմամբ: Այդ հեղինակներին դեռևս ժամանակին քննադատել է Հ. Մանասերյանը, այսուհանդերձ, Ռ. Մանասերյանը նշում է, որ վերջինս որոշ հարցերում չի կարողացել հաղթահարել Թ. Ռեյնակի աշխատություններից սկիզբ առնող տեսակետների ազդեցությունը:

Ուսումնասիրությունը բաղկացած է վեց գլխից: «Հոռմի և Պարթևստանի էքսպանսիան Մերձավոր Արևելքում մ. թ. ա. II դարում: Տիգրանը պարթևների պատանդ» վերնագիրը կրող առաջին գլխում քննված են Հոռմի և Պարթևստանի էքսպանսիաների պատճառները և ցույց է տրված, որ մ. թ. ա. II դարից սկսած Հոռմը և Պարթևստանը միջազգային ասպարեզում հանդես եկան որպես գլխավոր ուժեր, որոնք ավելի ու ավելի վճռական ազդեցություն էին գործում Արևելյան Միջերկրածովքի հելլենիստական պետությունների ճակատագրերի վրա:

Երկրորդ գլխում նվիրված է Կապադովկիայում Հոռմի առաջնադասման դեմ մ. թ. ա. 93-91 թթ. Տիգրան Բ-ի մղած պայքարին և մ. թ. ա. 92 թ. տեղի ունեցած հոռմա-պարթևական բանակցություններին: Այն ավարտվում է հայ-պարթևական պատերազմի հետ կապված հարցերի քննմամբ: Հեղինակի ճշմարիտ կարծիքով հոռմեական գերիշխանության և արտաքին քաղաքական ազդեցության հաստատումը Կապադովկիայում Հայաստանի արևմտյան սահմաններում սպառնալիք էր ստեղծում վերջինիս անկախությանը: Նա շեշտում է, որ Կապադովկիայի անցումը Հոռմի վերահսկողության տակ խիստ վատթարացնում էր Հայաստանի ընդհանուր ստրա-

ուղիական վիճակը, որովհետև այդպիսի պարագայում Հայաստանը շրջափակվում էր արևմուտքից՝ Հռոմից կախյալ տարածքներով և Կապադովկիայի նկատմամբ պրոտեկտորատ սահմանելով։ Հռոմը դրանով իսկ ճանաչարհ էր հարթում դեպի Հայաստան, Տիգրանը կանխում էր այդ վտանգը։ Ունի վճռել էր կանգնեցնել Հռոմի վտանգավոր տարածումը Փոքր Ասիայի խորքը, թույլ չըտալ Հռոմին Հայաստանի սահմանում ստեղծել և ամրապնդել իր առաջխաղացման հենակետը» (էջ 39)։

Անդրադառնալով Տիգրանի և Միհրդատ Պոնտացու հարաբերություններին այս շրջանում, հեղինակը իրավացիորեն նշում է, որ միահամուռ լինելով իրենց գլխավոր նպատակում՝ Կապադովկիայում հռոմեական ազդեցության վերացման խնդրում, Պոնտոսը և Հայաստանը միացած բոլոր հարցերում ունեին տարբեր դիրքորոշում։

Մենագրության երրորդ գլխում, որն ունի «Տիգրան Բ-ի տերությունը (83—69 թթ.)» Սելևկյանների ռազմական ելույթը (73—69 թթ.)» վերնագիրը, հեղինակն անդրադառնում է Արևելյան Միջերկրածովքում Տիգրան Մեծի արտաքին քաղաքական ձեռնարկումներին և դրանց հետևանքով առաջացած լայնածավալ տերության ընդլայնման հարցին։ Այստեղ նշված է, որ մ. թ. ա. I դարի 80—70-ական թվականներին Առաջավոր Ասիայի արևմտյան ընդարձակ երկրամասերը միավորված էին մի տերության մեջ՝ հայոց թագավոր Տիգրան Մեծի իշխանության ներքո։ Հեղինակը եզրակացնում է, որ Տիգրանի ստեղծած տերությունը Արևելյան Միջերկրածովքում վերջին պատերազմից է հռոմի անսահմանափակ տիրապետության ճանապարհին (էջ 58)։ Այս առթիվ հեղինակը, առաջինը պատմագիտության մեջ, հանգում է այն հետաքրքիր եզրակացության, որ Տիգրանի այդ նորաստեղծ պետությունը ստեղծվել էր Հայաստանի և Նախկին Սելևկյան թագավորության միասնական ունիայի հետևանքով։ Նա գրում է, որ մ. թ. ա. 83 թ. կայացավ Հայաստանի և Սիրիայի միավորումը ընդհանուր միապետի իշխանության ներքո և Սիրիայի հելլենիստական թագավորությունում Հայաստանի արքայի գահակալելը «ժողովրդին» միացյալ պոլիսների հրավերով պետական-իրավական տեսակետից ընդամենը է որպես ունիա Հայաստանի և Սիրիայի միջև և եզրակացնում, որ 83 թ. դրված էր ռազմական հելլենիստական թագավորության վերականգնման, նրա գոյության պահպանման և ամենաինչև նրա վերացման հարցը (էջ 74—75)։ Հեղինակի կարծիքով, հայկական և սիրիական հասարակությունների դասակարգային կառուցվածքի տարասեռ լինելը կանխորոշում էր երկու երկրներում պետության ֆունկցիաների ծավալների տարբերությունը։ Սիրիայում Տիգրանի միապետությունը գլխավորապես կատարում էր պահպանական ֆունկցիա, Հայաստանում՝ նաև տնտեսական-կազմակերպչական (էջ 95)։ Անդրադառնալով Տիգրանի տերության ընդլայնման հարցին, հեղինակը իրավացիորեն գտնում է, որ այդ տերությունը հիմնվում էր երկու սոցիալ-քաղաքական նեցուկների՝ իշխող դասակարգերի փոխգործողության վրա, որոնցից մեկը՝ հայ ավագանին, արևելյան էր, իսկ մյուսը՝ հելլենական և հելլենա-արամեական, պոլիսային վերնախավ, և այդ տերությունը ընդամենը է որպես հելլենիստական պետություն (էջ 96)։

Զորքով գլխում քննվում են 73—71 թթ. հռոմեա-պոնտական պատերազմում Հայաստանի շեղծության հարցը, ինչպես նաև Տիգրանի վարած քաղաքականությունը Հռոմի հանդեպ 71—69 թթ.։ Ռ. Մանասեթյանը գտնում է, որ Տիգրանի վարած շեղծության քաղաքականությունը բրիտան էր Հայաստանի շահերից և այն միանգամայն արդարացված էր։ Այս գլխում հեղինակին հաջողվել է տալ Միհրդատ Պոնտացու պարտության քաղաքական հիմնավորումը (էջ 120)։

«Պատերազմ Հռոմի դեմ (69—67 թթ.)» գլխում խոսվում է հռոմեացիների դեմ Տիգրանի ժողով պատերազմական գործողությունների մասին, որոնց հետևանքով Տիգրանին, այնուամենայնիվ, հաջողվեց այն, ինչը չէր հաջողվել Հռոմի դեմ հանդես եկած որևէ այլ ախյանի։ Ծիշտ է, Տիգրանը կորցրեց իր արտաքին նվաճումները, բայց կարողացավ անառիկ պահել իր երկիրը։ Մինչդեռ Հռոմի դեմ հանդես եկած բոլոր երկրները կորցրին իրենց անկախությունը և դարձան հռոմեական տիրույթներ։

Վերջին գլխում («Հայաստանի հարաբերությունները Հռոմի և Պարթևստանի հետ 66—64 թթ.») հեղինակը ցույց է տալիս, որ Տիգրանը, ծավալելով ակտիվ դիվանագիտական գործունեություն, կարողացավ իր երկիրը գրեթե անվնաս դուրս բերել ստեղծված ճգնաժամային գոյությունից։

Վերջապահում, տալով Տիգրանի գործունեության ընդհանուր գնահատականը, Ռ. Մանասեթյանը նշում է. «68—66 թթ. Հայաստանի... վերընթաց զարգացումը լիախտվեց... Տիգրանը պաշտպանեց հայկական պետությունը ոչնչացման վտանգից։ Այստեղ առավել, քան երբեք, կարևոր էր Տիգրանի գիտակից, անձնական ջանքերի դերը։ Նա պատկանում է ժողովրդի պատմության այն կարևորագույն քաղաքական գործիչների շարքին, որոնք իրենց երկրի համար մեծագույն վը-



տանգի պահին կանխում են օտար տիրապետության հաստատումը: Պահպանելով խաղաղություն, նա իր հակառակորդ տերություններից, նախ և առաջ Հռոմից ձեռք բերեց Հայոց թագավորության գոյության իրավունքի ճանաչումը, դրանով իսկ ապահովելով հայ ժողովրդի հետագա զարգացման ու կոնսոլիդացման պայմանները» (էջ 240):

Այս արժեքավոր ուսումնասիրության մեջ նկատելի են նաև որոշ անճշտություններ, որոնցից կարելի էր խոսափել ուշադիր գիտական խմբագրման դեպքում: Այսպես, նույն՝ 43-րդ, էջում Կամազենե երկիրը տարածված է մեկ Ծփրատի արևելյան ափին, մեկ՝ արևմտյան (ճիշտը վերջինն է), «Փոդերանոց» բառին փոխարինել է «դրամատունը», որը սխալ է (էջ 56, 96), Կանանունների տառադարձության սխալներ. օրինակ՝ Գալիս գետ (էջ 200), պետք է լինի՝ Հալիս կամ Ալիս, Լաոդիկեա քաղաք (էջ 72), պետք է լինի Լաոդիկիա, Պտղոմեոս Սոթեր (էջ 92), պետք է լինի՝ Սոտեր, 92-րդ էջում հեղինակը նշում է, որ Հայաստանը Միջերկրածովքի մարդաշատ և զարգացած երկրների համեմատ խիստ սակավաբնակ էր, նա մոռացել է երևի, որ նորենացին (գիրք-ը, գլ. ԾՁ), խոսելով դեռևս Արտաշեսի ժամանակի Հայաստանի մասին, նշում է, որ նա մեր աշխարհը բազմամարդացրեց, Գրքի գիտական արժանիքը առավել կրթարանար, ևթե վերջում այն ունենար հատուկ անունների ցանկ:

Վերջացնելով դարձյալ նշենք, որ լույս է տեսել գիտական անժխտելի արժանիքներով մի ուսումնասիրություն, որի կողքով արդեն չի կարող անցնել Հայաստանի և Մերձավոր արևելքի հին-սլաոմությունն ուսումնասիրող պատմաբանը:

ՍԻՄՈՆ ԿՐԿՑԱՇԱՐՅԱՆ

պատմափառ գիտությունների դոկտոր